

COMUN: Al vëgn lascé alsavëi che les **domandes do contribuc** y aiüc finanziairs por l'ativité ordinara tl ann 2017 dles uniuns y assoziaziuns mëss gní dades jö te comun cina en vëndres, ai 31 de merz 2017. I modui por la domanda é da ciafé sön la plata internet dl comun www.comun.sanmartindetor.bz.it o tl secretariat de comun. Domandes dades jö do le termo ne vëgn nia tutes en conscidrazion.

Aldiënza dla defensuria populara tla ciasa de comun a San Martin en vëndres, ai 10 de merz dales 14.30 ales 18.00.

PLOANIES DA SAN MARTIN Y LUNGIARÜ

Dala Curia infora vëgnel conzedü da mëte sön plata **intenziuns dla S. Mëssa ince de domënia**, porchël resta la Eucaristia impö la zelebrazion dla Comunità dla Cöra. I mëssi ince tlarí che le zelebrent pó ma se salvé un n stipendium dla mëssa, i atri vëgn mená demez a d'atri proi o miscionars, deperpo che les intenziuns dla jënt vëgn öna por öna recordades. Insciö é l'agnora bele sté. Al é chësta na forma de solidarité inanter düc i ministri dl alté tl sacramënt dl presbitero. *le Ploan*

Incuntada di vëdui, vëdues y porsones sores en domënia, ai 12 de merz, dales 9.30 a Porsenü, tl' Academia Cusanus: Mëssa y referat; domisdé aurela cörta cun teater y musiga. Prenotesse cina ai 8 de merz pro osta rapresen-tanta dl KVV. Le iade é debann, la marëna costa 17 €. La coriera passa a Picolin dales 7.40.

Dui **peregrinaji a Medjugorje** dai 26 d'aurí al 01 de ma (6 dis) y dai 24 de ma ai 28 de ma (5 dis). La cherta d' identitè ne vel nia sc'ara é ma gnüda arlungiada cun le stëmpl de comun. Info y prenotaziuns 0471 843 077 o 338 50 27 312.

PLOANIA DA SAN MARTIN

Injunté a chësta plata dla ploania o ince sön scafa di libri apé de dljia ciafëise le **decunt dles entrades y dles spëises dla ploania dl ann 2016**.

Ince por l'ann 2017 Ves periunse indö dër bel da paié ite cina ala fin de merz **le contribut por la cöra** de 40,00 € por vigni porsona che á compli 18 agn (tuc fora studënc y studëntes) söl cunt dla cöra: IBAN IT 11 J 08010 58830 000304004922.

La Uniun di ëi y dles ëres inviëia ala **fiesta di maridà iubilars** en domënia, ai 23 d'aurí, cun mëssa y sté adöm tl salf di stödafüch. Düc i pers che é 10, 15, 20, 25, 30, 35, 40, 45, 50, 55 ... agn maridá é dër bel invià. Chësc avis vel sciöche invit.

Les iscriziuns ala Scora de musiga por l'ann de scora 2017/2018 vëgn tutes sö tratan döt le mëis de merz. I formulars ciafon tl secretariat dla Scora de musiga a La Ila o te internet (sot a www.musikschule.it). Informaziuns 0471 847 748.

Tla **Ciasa de Palsa a San Martin** é gnü arjigné ite n cuartiers por porsones sura 70 agn ciamó autonomes. I interessá ciafa informaziuns ti ofizi dla Ciasa de Palsa tratan l'orar de laur (08.00 – 12.00 y 14.00 – 17.00) o por telefon 0474 524 786.



www.unitepastorla.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

05.03.17 – 12.03.17 nr. 15

termo da publiché: jöbia 20.00
radio: 90,40 / 93,70



1ª DOMÈNIA DE CARSÈMA - A

Vangele: Matí 4,1-11

Gejú é gnü condüt dal Spirit tl desert, por gní mené tla tentaziun dal malan. Do ch'al á albü jiné caranta dis y caranta nöts ál ciafé fan.

Spo ti é l jü pormez le tentadü y ti à dit:

Sce t'es le Fi de Dî, spo comana

ch'al vëgnes pan fora de chëstes peres.

Mo é l respognü:

Tla Scritöra vëgnel dit:

Le chestian ne vir nia mâ de pan, mo de vigni parora che vëgn dala bočia de Dî.

Sön chëra ti à Gejú dit: Vátun, sâtana!

Ćiodiche tla Scritöra stal: Mâ le Signur, to Dî, desste adoré y é l su desste sorvì.



Gejú é ste bun da ti tigní bot al malan y da ne se lascé nia trá al mal, ciodich'al savö, ch'an ciafa ma dailó na tria, olach'an ciafa Chël Bel Dî.

Le chestian ne vir nia ma de pan.

Y insciö ne virel nia ma de so avëi, de so davagn y de súa posiziun. Ince bunorënza y simpatia umana ne n'é nia bunes da l'acontenté.

Le chestian adora val' deplü. Al á te é l na lersch öta, che ma ldi é bun da implí. Pormó canch'al sint che ldi lascia palse sön é l súa odlada valënta, ti baia ados y ti dá dl „tö“, é l de jejier dl cör che röia a na tria.

La fortüna y la contentënza ne stá nia tl avëi chësc y chël ater.

I sighitun da gní ingianá dala minunga indiaulada ch'i rovun ma ala contentëza, sc'i sun bugn da abiné chësc y chël, ince sc'i messun odëi che les fortünes de chësc monn se desfanta sciöche cogores de scaioz.

l di instës é mia fortüna y mia contentëza, deache te é l sunsi azeté deplëgn.

Tres é l impari da m'azeté instës y da conësce les poscibilités ch'i á te me.

I sun cercené da n monn misterius y demorvëia, che é formé de amur y bunté.

Al é jënt incër me ia che se deura sciöche ciüfs d'aisciöda sc'i sun valënt impari. N'é forsc döt cant chësc nia fortüna che döra sura la mort fora?

	SAN MARTIN	LUNGIARÜ	UNITÉ PASTORALA  AZIUN CARSÈMA 5 – 12 de merz „Fá para! A ci podessi pa renunzié“  L'Unité Pastorala Val Badia inviëia vignun y vignöna a fá deplü fora dla Carsëma. Jon fora da na Parora dl vangele dla domënia metunse dant edema por edema na proposta concreta por valorisé danü la ligrëza y la speranza liada ala Bona Noela. Les esperiënzes pó gní partides cun i atri, les publican sön la plata facebook (Gruppe: Aktion Verzicht) o internet (www.aktion-verzicht.net)  Aziun: Le chestian ne vir nia ma de pan, mo ...“ Matî 4,4 – Chëst'edema mëti averda a ci ch'i cumpri. L'adori? Da olá vëgnel pa adalerch? Tan de refodam restel pa? Cun ci ch'i sparagni feji ----- Intenziun dl Papa por le mëis de mërz <i>I periun por i cristians porseghitá – I periun ch'ai vëgnes daidá cun la oraziun y cun l'aiüt material de dōta la Dlijia.</i> Incorajamënt <i>Sides tl desert co a ciasa, orunse ciarë da ciäfë pesc y tria te nosc daite, ch'i aldiunse ci che Idî ó nes dî.</i>
5.03.17 1^a DOMÈNIA de Carsëma – A <i>19.00 chërda les ciampanes ala devonziun te ciasa</i>	9.00 Staziuns 9.30 Gran Mëssa dla Comunité 19.00 Devoziun te familia	7.45 Confesciuns 7.55 Staziuns ciantades dal cor 8.15 Gran Mëssa dla Comunité 19.00 Devoziun te familia	
06.03.17 Lönesc <i>Fridolin, Coleta</i>	20.00 Cërtrl dl Bibla te calonia a San Martin	14.30 Sopoltöra de Guido Clara 20.00 Cërtrl dl Bibla a San Martin	
07.03.17 Dedolönesc <i>Perpetua y Felizita</i>	19.30 Mëssa + Pire Tavella, Cëch + Giovanni Pescoller + Giovanni Sorá, Pespach	7.30 Zelebrazion dla Parora de Dî	
08.03.17 Dedemesaledema <i>Jan de Dî, Georg, Michil</i>	19.30 Staziuns	7.30 Mëssa fam. Benedikt Clara + Giovanni Clara, Seres + + + Pire, Linda, Gabriele Clara, Mair	
09.03.17 Jöbia <i>Bruno, Franzisca, Domenico Savio</i>	7.30 Mëssa en onur de S. Ujöp Fr. por na familia + Angela Solderer + Hannele Pedevilla Trebo Corona por vocaziuns		
10.03.17 Vëndres <i>Gustav, Maria Eugenia</i>	18.30 Adoraziun chita 19.00 Devoziun de Carsëma y Confesciuns	7.30 Mëssa + siur Heinrich Videsott + Scimun Mischi por les Animes 17.00 Staziuns	
11.03.17 Sabeda <i>Rosina, Costantin</i>	8.30 Preparaziun ala Confermaziun 15.30 Mëssa tla Ciasa de Palsa 18.30 Mëssa prefestia + + + Giovanni, Herta y Pire Zingerle + + fredesc y sorus Flöss, Diamant	20.00 Mëssa prefestia 2 ^a mëssa de sopoltöra de Guido Clara + Magdalena Flatscher + Giovanni y Herta Clara + Carlo Dejaco + Davide Daporta dl ann + + Albino y Sabina Daporta	
12.03.17 2^a DOMÈNIA de Carsëma - A	9.00 Staziuns 9.30 Gran Mëssa dla Comunité	7.55 Staziuns y Confesciuns 8.15 Gran Mëssa dla Comunité	